

**Toshkent Tibbiyot Akademiyasi va “Toshkent tumani markaziy shifoxonasi”  
o‘rtasida o‘zaro hamkorlik aloqalari bo‘yicha  
SHARTNOMA № 2022/01-01**

Toshkent shahri

2022 yil “18” fevral

**Toshkent tibbiyot akademiyasi** (keyingi o‘rinlarda - Akademiya) Ustavi asosida ish yurituvchi rektor A.K.Shadmanov bir tomondan hamda **“Toshkent tumani markaziy shifoxonasi”** (keyingi o‘rinlarda – Shifoxona) Nizomi asosida faoliyat olib boruvchi **Toshkent tumani tibbiyot boshqarmasi raxbari X.D.Asadov**, boshqa tomondan (keyingi o‘rinlarda – Tomonlar) quyidagilar xususida mazkur shartnomani (keyingi o‘rinlarda – Shartnomma) tuzdilar:

### 1. Shartnomaning maqsadi

Shartnomaning maqsadi O‘zbekiston Respublikasining “Ta’lim to‘g‘risida”gi Qonuni, O‘zbekiston Respublikasi Prezidentining 2007 yil 19 sentyabrdagi “Sog‘liqni saqlashni rivojlantirish davlat dasturini amalga oshirish islohotlarini kelgusida chuqurlashtirishning asosiy yo‘nalishlari to‘g‘risida”gi PF-3923-sonli, 2019 yil 8 oktyabrdagi “O‘zbekiston Respublikasi oliy ta’lim tizimini 2030 yilgacha rivojlantirish konsepsiyasini tasdiqlash to‘g‘risida” PF-5847-sonli Farmonlari va 2017 yil 20 apreldagi “Oliy ta’lim tizimini kelgusida rivojlantirish bo‘yicha chora tadbirlar to‘g‘risida”gi PQ-2909-sonli, 2017 yil 27 iyuldagagi “Oliy ma’lumotli mutaxassislarini tayyorlash sifatini oshirishda iqtisodiyot sektori va tarmoqlarini ishtirokini kelgusida kengaytirish bo‘yicha chora tadbirlar to‘g‘risida”gi PQ-2956-sonli, 2017 yil 27 iyul “Oliy ma’lumotli mutaxassislar tayyorlash sifatini oshirishda iqtisodiyot sohalari va tarmoqlarining ishtirokini yanada kengaytirish chora-tadbirlari to‘g‘risida”gi PQ-3151-sonli qarorlari hamda ta’lim va sog‘liqni saqlash sohasiga oid boshqa normativ-huquqiy hujjatlarga mos holda ilmiy-pedagogik kadrlarni tayyorlash dasturlari asosida sifatli ta’lim berish bo‘yicha hamkorlikda qo‘shma dastur yaratish hisoblanadi.

### 2. Shartnomaning predmeti

Shartnoma predmeti deb, Toshkent viloyati, Toshkent tumani, Xuvaydo MFY, Ravnaq 2 uyda joylashgan Toshkent tumani markaziy shifoxonasida tashkil etilgan bazada Akademianing Xirurgik kasalliklar, 1-son fakultet va gospital xirurgiya, Bolalar kasalliklari propedevtikasi, Nevrologiya, Ichki kasalliklar, Travmatologiya, Anestiziologiya va reanimatologiya Kafedralari (keyingi o‘rinlarda – Kafedralalar) xodimlari tomonidan mavjud ta’lim dasturlari bo‘yicha hamkorlikda o‘quv-ta’lim va ilmiy faoliyatni olib borish, aynan bakalavr, magistr va klinik ordinatorlarni tayyorlash hisoblanadi

Hamkorlik predmeti deb, qo‘shma ilmiy tadqiqotlar o‘tkazish, qo‘shma ilmiy tadbirlar tashkil etish, ilmiy maqolalar chop etish, o‘zaro ilmiy ishlar va amaliy mashg‘ulotlarni tashkil etish hisoblanadi.

### **3. Hamkorlikdagi faoliyatni amalga oshirish shakllari**

3.1. Mazkur shartnoma doirasida Tomonlar quyidagi tadbirlarni amalga oshirishni ko‘zda tutadilar:

- mavjud bo‘lgan ta’lim dasturlari bo‘yicha Akademiyada bakalavr, magistr va klinik ordinatirlarni tayyorlash uchun o‘quv amaliyotlarini o‘tkazish;
- mamlakatimizga yuqori malakali raqobatbardosh kadrlarni tayyorlash yuzasidan Kafedralar va Shifoxonaning soha yo‘nalishlari bo‘yicha amaliy faoliyat olib borish;
- Akademiya va Shifoxonaning o‘zaro samarali hamkorligini yo‘lga qo‘yish;
- Shifoxonaning malakali mutaxassislari erishgan yutuqlarni Akademiya professor-o‘qituvchilari tomonidan tizimli o‘rganib borilishini tashkil etish maqsadida malaka oshirish va tajriba almashuvini joriy qilish;
- rivojlangan xorijiy davlatlarning tibbiyot sohasidagi eng ilg‘or tajribalarini o‘rgangan hamda Shifoxonaning mutaxassislarga bo‘lgan talabidan kelib chiqqan holda o‘quv rejalar, fan dasturlari, o‘quv adabiyotlari shu jumladan, o‘quv-metodik komplekslarni xalqaro standartlar asosida zamonaviy, mutlaqo yangi talablar asosida ishlab chiqilishi va bosqichma-bosqich joriy etilishini tashkil qilishni o‘zaro hamkorlikda amalga oshirish;
- Akademianing ta’lim yo‘nalishida zamonaviy axborot-kommunikatsion texnologiyalari asosida ilmiy-tadqiqot ishlarini hamkorlikda bajarish va tadbiq etish;
- hamkorlikda ilmiy maqolalar tayyorlash va ularni nashr qilish;
- hamkorlikda seminarlar o‘tkazish;
- Shifoxonada Akademiya Kafedralari filiallarini ochish;
- Shifoxonada talabalar amaliyotini tashkil etish hamda bo‘sish o‘rinlariga bitiruvchilarni ishga joylashtirish choralarini ko‘rish;
- Akademiya professor-o‘qituvchilariga Shifoxonada amaliy tadqiqotlar o‘tkazishiga sharoit yaratib berish;
- hamkorlikda Shifoxonaning istiqbolli rivojlantirish dasturlarini ishlab chiqish;
- Akademiya professor-o‘qituvchilari tomonidan amalga oshirilgan ilmiy-tadqiqotlar natijalarini tijoratlashtirishda hamkorlik qilish.

3.2. Mazkur shartnomaning tuzilishi va undagi shartlarning bajarilishi Akademiya va Shifoxona o‘rtasida tuziladigan o‘zaro manfaatli boshqa shartnomalarga zid bo‘lmasligi lozim.

### **4. Muvaffaqiyatli hamkorlikdagi faoliyatni ta’minlash bo‘yicha chora-tadbirlar**

4.1 O‘quv-ta’lim va amaliyot tadbirlarini tashkil etish, ishlab chiqish va amalga oshirishda tomonlarning hamkorligi:

- Shifoxonada qo‘llaniladigan zamonaviy tibbiy texnologiyalar, uskunalar va jihozlarni o‘rganish;
- amaliy va uslubiy ma’lumotlarni o‘zaro almashinuvini olib borish.

## **5. Ta’lim va sertifikatsiyalashni o’tkazish shakllari**

5.1. Hamkorlikda amalga oshirilayotgan o‘quv-amaliyotdagi faoliyat, bakalavriat, magistratura, klinik ordinaturada va doktoranturada tahlil olayotgan talabalar, klinik ordinotorlar va izlanuvchilar uchun seminarlar, amaliy mashg‘ulotlar, mahorat darslari va ma’ruzalarni o’tkazish shaklida amalga oshiriladi.

5.2. Hamkorlikdagi ilmiy-amaliy faoliyat o‘quv-amaliyot va ilmiy-tadqiqot ishlarini o’tkazish, maqolalarni chop etish shaklida bajariladi.

## **6. Sharhnomani bajaruvchi va bevosita ishtirokchilari**

6.1. Mazkur sharhnomani bajarishda Akademiya tomonidan Kafedralar xodimlari, shuningdek zaruriyat bo‘lganda boshqa Kafedralar va bo‘limlar xodimlari hamda o‘quv-ta’lim faoliyatini tashkil etish, o’tkazish va ta’minlashga bevosita aloqasi bo‘lgan boshqa shaxslar ishtirok etadi.

6.2. Mazkur sharhnomani amalga oshirishda Shifoxona tomonidan manfaatdor bo‘lgan davolash-tashxislash bo‘linmalari va boshqa tibbiyot xodimlari, shuningdek davolash-profilaktik faoliyatni tashkil etish va ta’minlashga aloqador bo‘lgan ma’muriy-boshqaruv xodimlari bevosita ishtirok etadi.

6.3. Akademiya va Shifoxonaning rahbariyati manfaatdor xodimlarni barcha zarur bo‘lgan ma’lumotlar bilan ta’minlash va ular tomonidan ushbu sharhnomaning talablari hamda amaldagi normativ-huquqiy boshqaruvga rioya etish majburiyatini oladi.

6.4. Tomonlar Xirurgik, Terapevtik, Nevrologik kasalliklarni o‘rganish yuzasidan hamkorlikda ilmiy tadqiqotlarni olib borish majburiyatini oladilar.

6.5. Hamkorlik doirasida Tomonlar qo‘ylgan maqsadga erishish uchun va amaliyot ishlarini o‘rganish hamda bajarish yuzasidan zaruriy materiallarni yig‘ish bo‘yicha kelishuv pozitsiyasini ishlab chiqishga mas’uldirilar.

6.6. Tomonlar hamkorlikda izlanish olib borayotgan mavzu bo‘yicha birgalikda o‘quv adabiyotlari (shu jumadan hammualliflikda darslik, o‘quv qo‘llanma, metodik qo‘llanma, elektron darslik) va maqolalar tayyorlash hamda nashrdan chiqarish majburiyatini oladilar.

6.7. Tomonlar hammualliflikdagi o‘quv-amaliy va ilmiy-tadqiqot ishlar natijalarini amaliyotga tadbiq etadilar.

6.8. Bemorlarning tibbiy siri va xizmat ma’lumotlarining maxfiyligini oshkora qilmaslik talablariga qat’iy rioya etiladi.

## **7. Akademiya va Kafedralarning huquq va majburiyatları:**

7.1. Akademiya hamkorlikdagi o‘quv-ta’lim va ilmiy-amaliyot faoliyatini tashkil etish va o’tkazishda ishtirok etadi.

7.2. Akademiya hamkorlikdagi o‘quv-ta’lim va amaliy faoliyatni amalga oshirishda Kafedralar va Shifoxona xodimlari, shuningdek ta’lim oluvchilarni zaruriy resurslar (insonlarga bog‘liq bo‘lgan, moddiy-texnik, axborot va boshqalar) bilan ta’minlaydi.

7.3. Kafedralar o‘z xodimlari va talabalar tomonidan Shifoxonaning barcha talablari va ichki reglamentlariga (tarkibi), xizmat va tibbiy ma’lumotlarning maxfiylik talablariga rioya etish majburiyatini oladi.

7.4. Akademiyaning majburiyatları:

- hamkorlikda Xirurgik, Terapeutik, Nevrologik kasalliklar bo‘yicha ilmiy izlanishlar olib boradi;
- ilmiy izlanishlar natijalarini tahlil qilib, ular bo‘yicha to‘plangan hujjatlarni nashrdan chiqarishga tayyorlaydi;
- hamkorlikda amalga oshirilgan ishlar yuzasidan to‘plangan ma’lumotlar bo‘yicha maqola, darslik, o‘quv qo‘llanma, tezis, monografiyalar yozish va ularni Shifoxona bilan hammualliflikda nashrdan chiqarish, Shifoxona bilan birgalikda ilmiy-amaliy konferensiya, syezd va seminarlarda ma’ruzalar bilan chiqish qilish;
- hamkorlikdagi tibbiy, o‘quv-ta’lim va amaliy faoliyatni tashkil etish va o‘tkazishda amaldagi qonunchilikda belgilangan mualliflik huquqlarini himoya qilish talabari va etika me’yorlariga rioya etish;
- bemorlarning tibbiy siri va xizmat ma’lumotlarining maxfiyligini oshkor etmaslik talablariga qat’iy rioya etish;
- mazkur shartnomaning shartlarini to‘liq va samarali bajarish maqsadida mas’ul xodimlarni tayinlaydilar.

## 8. Shifoxonaning huquq va majburiyatları:

8.1. Shifoxona hamkorlikdagi o‘quv-ta’lim va ilmiy-amaliy faoliyatini tashkil etish va o‘tkazishda ishtirok etadi.

8.2. Hamkorlikdagi tibbiy, o‘quv-ta’lim va ilmiy faoliyatni olib borishda Shifoxona:

- o‘quv dasturiga mos holda Akademiyada faoliyat yuritib kelayotgan va ta’lim olayotganlarga Shifoxonadagi tibbiyot texnikalaridan foydalanishga hamda davolash jarayonlarida ishtirok etishga sharoit yaratadi;
- Shifoxonaga oid yangiliklar, rivojlantirish istiqbollari, ta’lim mazmunini takomillashtirish, ilmiy-tadqiqot ishlarini rivojlantirish va kelgusidagi vazifalarni belgilab olish yuzasidan Akademiya professor-o‘qituvchilar, ilmiy xodimlari, doktorantlari, klinik ordinotor va talabalari bilan uchrashuvlar o‘tkazib borishga sharoit yaratadi;
- Akademiya professor-o‘qituvchilariga Shifoxonada amaliy tadqiqotlar o‘tkazishga sharoit yaratadi;
- ta’tillar davrida Akademiyada tahsil olayotgan talaba va klinik-ordinatorlarga Shifoxonada ishlab chiqarish amaliyotini olib borishga sharoit yaratadi;
- ta’lim oluvchilar tomonidan yuqorida ko‘rsatilgan talablarga rioya etish ustidan nazoratni amalga oshiradi;
- mazkur shartnomaning shartlarini to‘liq va samarali bajarish maqsadida mas’ul xodimlarni tayinlaydi.

8.3. Shifoxona hamkorlikdagi tibbiy, o‘quv-ta’lim va amaliy faoliyatni tashkil etish va o‘tkazishda Shifoxona xodimlari tomonidan amaldagi qonunchilikda belgilangan mualliflik huquqlarini himoya qilish talabari va etika me’yorlariga rioya etilishini o‘z zimmasiga oladi.

## **9. Tashkiliy-moliyaviy o‘zaro munosabatlar**

9.1. Mazkur Shartnoma tashkiliy-huquqiy majburiyatlarni nazarda tutadi va Tomonlarning moliyaviy majburiyatlarini ko‘zda tutmaydi.

9.2. Hamkorlikdagi tadbirlar va majburiyatlarni bajarishda moliyaviy majburiyatlar yuzaga kelganda ushbu moliyaviy munosabatlar Tomonlarning o‘zaro kelishuvi bo‘yicha alohida shartnomalarda aks ettiriladi.

9.3. Qo‘shma o‘quv-ta’lim va ilmiy-amaliy tadbirlarni o‘tkazishda mazkur jarayonlarda ishtirok etayotgan Kafedralar xodimlari Shifoxonaning tegishli lavozimlariga qabul qilinishlari mumkin. Shifoxona xodimlari esa Kafedralar professor-o‘qituvchilari va ilmiy tarkibiga o‘rindoshlik asosida Tomonlarning o‘zaro kelishuvi bo‘yicha lavozimlariga qabul qilinishi mumkin.

9.4. Hamkorlikdagi ilmiy-tadqiqotlar natijalari shartnoma doirasida qo‘shma yutuqlar deb hisoblanadi va nashrlarda taraflar nomidan rasmiylashtiriladi (qo‘srimcha tadqiqotlar taraflaridan birining alohida nashr etilishiga faqat ikkinchi tomonning roziligi bilan yo‘l qo‘yiladi).

9.5. Zarur hollarda Tomonlar nomidan birgalikda da’vo qilingan ixtirolarga buyurtma rasmiylashtiriladi.

## **10. Uchinchi tomonning ishtiroki**

Mazkur shartnoma bo‘yicha o‘quv va/yoki amaliy jarayonni texnik va tashkiliy-texnik ta’midotidan tashqari, hamkorlikdagi o‘quv-ta’lim va ilmiy faoliyatni amalgalashirishda uchinchi tomonlarning ishtirokini ko‘zda tutmaydi.

## **11. Shartnoma ishtirokchilarining javobgarligi**

11.1. Tomonlardan birining zimmasiga olgan majburiyatni bajarmaslik holatlarida, shartni bajarish lozim bo‘lgan sanadan 10 kundan kam bo‘limgan muddatda, majburiyatni bajarmaslik sababini ko‘rsatgan va ushbu sabablarni bartaraf etishga qaratilgan rejali chora tadbirlarni keltirilgan holda ogohlantirish xatini yuborishi shart.

11.2. Shartnoma shartlarini, shu jumladan “Tomonlarning kelishuvi” bo‘yicha shartlarni bajarmaslik O‘zbekiston Respublikasida amalda bo‘lgan qonunchilikka asosan javobgarlik keltirib chiqaradi.

## **12. Favqulodda va muayyan sharoitlarda oldini olib bo‘lmaydigan vaziyatlar (fors-major)**

12.1. Favqulodda (fors-major) holat yoki yengib bo‘lmaydigan kuchlar ta’siri natijasida (yong‘in, suv toshqini, zilzila va boshqalar) vujudga kelgan vaziyatni ishtirokchi oldindan ko‘rolmagan yoki uning oldini olish imkoniyati mavjud

bo‘limganida, Tomonlar ushbu shartnoma bo‘yicha majburiyatlarni bajarmaslik bo‘yicha javobgarlikdan qisman yoki to‘liq ozod qilinadilar

12.2. Majburiyatni bajarmaslikda favqulodda holatlarga ishora qiluvchi Tomon boshqa Tomonni bunday vaziyatlarning boshlanishi haqida darhol xabardor qilishi lozim.

12.3. Agarda mazkur shartnoma bo‘yicha majburiyatlarni bajarmaslik holati, yengib bo‘lmaydigan kuchlar bilan bog‘liq holda 6 oydan ko‘proq davom etsa, Tomonlardan biri ikkinchi Tomonni bu to‘g‘risida xabardor qilib bir taraflama mazkur shartnomani bekor qilish huquqiga ega.

### **13. Shartnomani amal qilish muddati**

13.1. Mazkur shartnoma imzolangan vaqtidan boshlab kuchga ega bo‘ladi.

13.2. Ushbu shartnomani amal qilish muddati 2026 yil 31 dekabrgacha davom etadi.

13.3. Shartnomani muddatidan oldin bekor qilinishi bir Tomonning tashabbusi bilan amalgalashirilishi mumkin, bunda, boshqa Tomonga bu to‘g‘risida shartnomani bekor qilinishidan 2 oy oldin xabar berilishi kerak. Mazkur muddatni tugashi bilan har ikki Tomonning kelishuviga ko‘ra shartnoma bekor qilingan deb hisoblanadi.

13.4. Mazkur Shartnoma ikki nusxada tuzildi. Ikkala nusxa aynan bir hil va teng yuridik kuchga ega.

### **14. Tomonlarning yuridik manzillari**

**Toshkent tibbiyot akademiyasi**  
100109 Toshkent sh., Farobiy ko‘chasi, 2  
uy. Tel.: +99878150-78-25

**Rektor** \_\_\_\_\_ A.K.Shadmanov

**Ilmiy ishlar va innovatsiyalar bo‘yicha**  
**prorektor** \_\_\_\_\_ F.L.Azizova  
**Marketingva talabalar amaliyot bo‘limi**  
**boshlig‘i v.v.b.**

M.M.Qo’ldasheva

**Yuriskonsult**  
**B.N.Shukurov**

**Toshkent tuman markazi shifoxonasi**  
111100 Toshkeht viloyati Toshkent  
tuman Xuvaydo M.F.V. Ravnaq 2 uy  
Tel.: 98 369-83-38

**Toshkeht tuman tibbiyt boshqarmasi**  
Raxbari \_\_\_\_\_ X.D. Asadov